

ფენეკი

გაიხსენე, რა იყო უდაბნოს წხო-
ველები? შესახებ. ნაიკითხე ტექს-
ტი და გაეცანი უდაბნოს ერთ-
ერთ ბინადარს – ფენეკს.

ფენეკი პატარა ზომის მელაა. ის შინაურ
კატაზე პატარაა. ცხოვრობს აფრიკის ქვი-
შიან უდაბნოში. მისი სხეული
დაფარულია გრძელი ბეწვით. ბეწვი
ყვითელია. ამის გამო მელა ადვილად ემა-
ლება მტერს ქვიშაში. **ხშირი** ბეწვი მას
დღისით მზისგან იცავს, ღამით –
ყინვისგან. ფენეკს თათებზეც კი ხშირი
ბეწვი აქვს. ამიტომ ცხელ ქვიშაზე
თათები არ ეწევა.

ფენეკი, ეს პატარა მელა, სოროს თხრის.
ირჩევს იმ ადგილს, სადაც ბალახი ან ბუჩ-
ქები იზრდება. იკვებება მცენარის ფეს-
ვით, ასევე მწერებით.



ფენეკს გრძელი და ფართო ყურები აქვს.
ყურის სიგრძე 15 სმ-ია, მაშინ როცა სხეუ-
ლის სიგრძე 40 სმ-ია. ფენეკს აქვს კარგი
სმენა. მას ქვიშაში **ფაჩუნიც** კი ესმის. ეს
ფენეკს საკვების პოვნაში ეხმარება.

ფენეკები ცხოვრობენ ოჯახებად.
ოჯახში 10 მელა მაინც არის. თუმცა სანა-
დიროდ ღამით ფენეკი მარტო დადის. ის
წყლის გარეშე დიდხანს ძლებს ისევე, რო-
გორც უდაბნოს სხვა ბინადარი.

ზოგი ადამიანი ფენეკს სახლში
აწხოვრებს. შენც ხომ არ ისურ-
ვებდი ამას? რატომ?



▶▶▶ ტექსტის გაგება

ყოველ შეკითხვას შეურჩიე თითო სწორი პასუხი.

1 ფენეკი ადვილად უძლებს უდაბნოს სიცხეს, რადგან:

- ა) იგი პატარაა ზომით.
- ბ) მას აქვს ყვითელი ბეწვი.
- გ) მას აქვს ხშირი ბეწვი.

2 ფენეკები ადვილად ემალებიან მტერს:

- ა) რადგან ისინი ოჯახებად ცხოვრობენ.
- ბ) რადგან მათი ბეწვი ქვიშისფერია.
- გ) რადგან სანადიროდ ცალ-ცალკე დადიან.

3 კარგი სმენის გამო ფენეკი:

- ა) ადვილად თხრის სოროს.
- ბ) ადვილად მოძრაობს უდაბნოში.
- გ) ადვილად პოულობს საკვებს.

4 ტექსტში არ არის საუბარი იმის შესახებ, თუ:

- ა) რატომ არ ეშინია ფენეკს ღამის სიცვიის.
- ბ) რატომ დადის ფენეკი სანადიროდ ღამით.
- გ) რატომ დადის ფენეკი ცხელ ქვიშაზე ადვილად.



ლექსიკა

1 გაარკვიე ხაზგასმული სიტყვის მნიშვნელობა.

1. ფენეკს ხშირი ბენვი აქვს.

ა) ლამაზი. ბ) რბილი. გ) სქელი.

2 ამოიწერე ტექსტიდან თითოეული განმარტების შესაბამისი სიტყვა.

1. ოდნავ გასაგონი ხმა არის -----.

2. თმის მსგავსი ამონაზარდი, რომლითაც დაფარულია ცხოველის ტყავი, არის -----.

3 რომელია მსგავსი მნიშვნელობის სიტყვები?

ა) ადვილი – რთული.

ბ) გრძელი – მოკლე.

გ) ფართო – განიერი.

გრამატიკა

1 სწორად დაწერე ფრჩხილებში ჩასმული სიტყვები.

1. ფენეკი (შინაური) ----- კატაზე პატარაა.

2. დიდყურება მელა (წყალი) ----- გარეშე დიდხანს ძლებს.

2 სწორად შეარჩიე გამოტოვებული სიტყვა.

1. ხშირი ბენვი ფენეკს იცავს ----- (ყინვიდან/ყინვისაგან)

2. ფენეკს არ სცხელა, ----- ბენვი იცავს. (რათა/რადგან)



გრამატიკა


3 დაწერე ნიმუშის მიხედვით.

ნიმუში: ადგილი, სადაც ბევრი ქვიშაა, არის ქვიშიანი.

1. მცენარე, რომელსაც ფესვი აქვს, არის -----.
2. ცხოველი, რომელსაც ბეწვი აქვს, არის -----.

წერა

1 ტექსტის მიხედვით შეავსე სქემა.



2 წარმოიდგინე, რომ შენს მეგობარს აჩუქეს ფენეკი. მისწერე წერილი და ურჩიე, თუ როგორ მოუაროს ამ პატარა მელას.

